



24. Marts 2022

UPA 2022/8 - 1
Aqqalu C.Jerimiassen

Inatsisartut ilassutitut aningaasaliissutitut inatsisissaannut siunnersuut 2021.

(Aningaasaqarnermut Aatsitassanullu Naalakkersuisoq)

Atassummiit aallaqqaammut qutsavigiumavarput aningaasaqarnermut akileraartarnermullu ataatsimiitsitaliaq nakkutiginnilluarluni ilasissutitut aningaasaliissutaasimasut eqqartulernerini.

Paasinarluinnarpoq 2021-imi immikkut ittumik aningaasaliissutaasimasut killiffiisa taamaattariaqarneri, tassami COVID – 19 annertuupilussuarmik tamatsinnut qanoq eqquinerlunnikuutigisoq nalunngilarput.

Pissusissamisoorporlumi, inuiaqatigiinni angerlarartitsiinnarnissat avaqqunniarlugit inuiaqatigiinnilu assakaasoq ingerlatiinnarniarlugu, naalakkersuisoq ataatsimiitsitaliarlu ikiorsiisariaqarnermik aningaasaliinissamut pissutissaqavillutik ilasisariaqartarsimmata.

Piffiit imaannaanngivissut maanna aninguumiartulersutut ilerfianni, Atassummiit neriulluarpugut suli pissutsit taamannak pitsanngoriartuinnarumaartut nualluussuarlu utersaaqqissanngitsoq, inuiaqatigiimmi killilersuutitut tamatta qatsussilluinnarunatta.

Atassummiit naalakkersuisut ataatsimiitsitaliarlu qutsavingalugit, 2021-imi ilassutitut aningaasaliissutaasimasut siunnersuutigineqarnerat taperserlugu tusaatissatut tiguarput.